



宜園詩集卷八

雜詠

癸卯元旦雪霽試筆武愷營卽景

永嘉孟守



晴曦檐溜碎冰漸糝雪因風撲面吹三十六句爲首吉七
千里路寄心期寒凝凍墨斂雙指輒飽溫陽溢四肢營柳
萬行消息早先春漏洩報君知

正月三日卽事

探梅辜負舊芳尋嬾起匡牀宛轉吟殘雪留痕威尙勁傲
裘怯力重難禁翠描蛾黛月初寫黃泛鵝兒酒自斟已換
年光春未到瓶花猶抱歲寒心

Handwritten characters in seal script, including a circled character and other illegible marks.

宜園詩集卷八
春漸至矣晴霽老境自寫寄閒

美景良辰好琴樽可寄情世途嗟日下榮利等雲輕忘老
知難老無生便自生但參禪悅旨嘆妄念俱平

早春江隄晚眺

天空風定夕陽時數點春帆穩渡遲大別山光都入眼長
江如帶柳如絲

新春望前自寫客懷

自家有酒喜盈樽靜對琴書坐閉門日麗風和消白晝月
明雲淡愛黃昏性情自寫身偏健庸俗難醫古可論春到
江干人且住絲絲楊柳漸青痕

聖後二日朝起苦冷

寒威凜烈逼深房屋瓦朝來定積霜一夢蝶餘生旅況數
聲鳥轉報晴光尙淹煖信春猶嫩漸入溫和晝覺長底事
東風加倍勁楚江住近水雲鄉

二十日晴光可喜卽景卽事

楊枝暈碧態生新報道春光恰二旬吹我不教風割面和
人卻喜酒沾脣江流碎白颿俱定山色拖青墨已皴舊襖
黃綿輕可試何妨薄暮出城闔

下旬二日晴霽遣興

一例他家與我家平分春色不參差喜描畫意半鉤月靜

悟禪機孤榻茶悅性逍遙看飲馬誇名得失等喧鴉滿山
夕照晴無賴洗耳江聲欲放槎

白草湖門沿城覓路圍畦薄暮而返

鳥聲啼碎向斜暉小小危橋覓路歸刮地風來衣帶重銜
山日射帽檐低紙鷁試放隨雲舉營馬初盤踏草菲陌上
行行還睇盼菜花香裏掩柴扉

遣懷有作

霜凋兩鬢至於斯經濟需才我不宜

時開經濟特科

非是熱官違

說熱絕無知己肯求知和光亦結同塵客混俗惟吟雜事
詩獨往獨來神自旺學今弔古賞心期

詩曰靡不有初鮮克有終人之恩怨不分始終易志

者皆貪爲之也因再作戒貪以紀事兼示警

安得他聆苦口言難填慾壑縱鯨吞羣趨貪詐心多昧我
費扶持理莫論利令智昏醫忌藥恩將讐報飲忘源愛人
以德余衷隱欲起沈疴振鈍根

行同市僧釀爭端豔羨豪華境未安恣志無非貪積聚榮
懷原不爲飢寒居心涼薄成風氣變節初終改肺肝慾火
添薪杯水少令人袖手作旁觀

懲貪

清閒惜福自天和惟有貪人口舌多私願難償滋怨府夢

魂未穩撼心波唧唧鳴捕煎何急蝻蚌爭持意若何隴蜀
交馳榮得失識昏不及一春婆

春日閒居雜興即事書懷

春淺欺人冷峭風清朝飲食喜和融烹茶鑪火添文武挂
麪鍋湯半淡濃琴曲微微須按度詩牋草草不求工閒居
盡日供閒興無滯天機體自充

漢陽江隄散步春望即景

啼鶯尙早柳初芽閒立沙隄看暮霞臨水人家編屋小拂
雲帆席出江斜土鬆甲坼齊抽菜春冷辛夷未作花白浪
打城山對岸澄空匹練望無涯

閒興即事自述

晴日烘窗煖氣加春回客邸尙無花丁東帷幄鳴宵漏子
細旗槍品午茶胃火難馳餐地栗肝風未熄飲天麻柳營
清晝人閒暇洗硯鈔詩墨瀟斜

不多客至坐無忙日報消閒記漢陽閩漢陽新報午夜缺眠將

晝補朝餐未熟取饌嘗武昌魚味須為膾呂宋煙濃卻有
香乘便過江攜酒券青銅三百索空囊

貪懶

火鑪熨酒最相宜小僕貪眠喚莫知破帽將穿常戀戀裏
衣欲換故遲遲墨痕不避沾袍袖湯沐嫌煩亂鬢絲春過

宜園詩集卷八
二句生煖信老夫嬾性喜堪醫

武愷營居住早起

斷除煩惱曲兼詩流水行雲意自隨楊柳營深長笛起梅
花影瘦夜燈知香濃茶熟津生潤更短衾溫醒漸遲紅日
滿窗烘凍硯攤書小字界烏絲
信手翻書向日光晴天早起有微霜每搔背癢春知覺漸
老身閒晝永長佳果常珍頻解渴傾壺贖墨尙生香出門
領略山峰近但聽江干喚渡忙

春淺天晴猶含冷意出門覽景早桃未放

兼旬不雨自欣欣攪夢狂飈徹夜聞脈脈晴光仍一片些

些煖意未三分隴藏土淺花猶勒地向陽和草漸薰笑歷
欲舒桃怯冷莫將羞澀怨東君

春閒自適

往歲秋冬戀病魔入春骨節喜舒和吏才不起慚干祿食
量頻添靜養疴茶味漸諳詩味雋臥時較少坐時多閒身
清健看書福老大休悲歲月過

聞鳥早起晴霽有作

一聲啼鳥報人知日射窗紗照硯池舊曲重翻逢故友名
花初放隴新詞休嗟遲暮成虛宦愛惜流光似少時雨水
節過冰凍減良辰美景展雙眉

二十七日即事

向曉暝暝薄霧天絲絲飛雨漢江邊
出行不便惟尋夢兀坐無聊且學禪
細麪龍鬚權米飯添鑪獸炭起茶煙
金陵書去沉消息猶慮閒官減俸錢

閱報經濟特科內外大吏薦人輿論未協爲之感賦
經濟特科雨露培公卿子弟出蒿萊
李桃滿路春先到草莽徧廬雪不開
下品寒家艱物色驕奴悍僕等奇才
夷門老叟閒心看貢禹彈冠得得來

二十九日晦夜

閒作談諧且解紛莫將私念擾天君
月沈晦夜生明夜春

覺三分去一分久坐卻嫌宵苦短
貪眠不爲酒多醺肌膚潤澤非麻木
氣轉溫陽血暈筋

二月朔日即景有賦

朔日纔臨二月顛始生月魄孕初懸
若非添閏剛元旦遮莫聞雷有漏天
煖氣薰人春似釀媚痕照我柳先妍
遠峰經雨如新沐掩映山花尙未然

春氣上升頭眩惡食悶雨獨坐

寒飈作陣雨週遭問極吟禪我且逃
舊譜拍成歌上笛新醅滿注酒污袍
天麻可愈頭風眩地骨頻嘗胃火消
春倦人慵如著醉更排香茗讀離騷

春倦少眠不適卽事有作

調語風簫過耳聽世情自擾意惺惺思清且喜金聲潤頭
暈惟防木氣升啜飯無多逾卓午尋眠有夢總零星久藏
苦茗香俱褪滋味渾難減酒醒

兩夜靜坐有憶

一點篝燈徹夜明慊慊客倦不勝情出門緩緩嫌多雨起
籟颼颼盼轉晴壺箭漏催更未久瓶笙人靜響逾清故鄉
遲寄黃柑到口角垂涎望眼傾

仲春三日卽事卽景

破費工夫逞辨才各拈春謎試推猜於能醒睡頻調管酒

可消寒暫把杯鐙損玻璃將紙補罌封硯匣炙冰開纜逢
二月初三月纖似魚鉤吐餌來

初四日卽事

穿陌東西氣力舒軟鞋小帽曳輕裾濃煎早粥過於飯緩
步晴街莫問車作伴夕陽三里郭寄懷春樹數行書一旬
已是春分到老眼看花興未除

見嗜賭者不可收拾爲之一歎客居無事因用鳥獸
字樣典故以成一律言之無罪聞之足戒有劉盤

龍癡者未悉以爲然否

呼盧喝雉決贏輸鵲蚌相持利在漁茫若喪家奔走狗再

宜園詩集卷八
難竭澤想求魚依然逐鹿人嘗肉謾說探驪我得珠烏鵲
棲枝巢不定且安鳩拙待何如

客閒

客閒消得靜工夫且拂琴牀理亂書晴日鈔詩陰補典煖
時解帶冷圍鑪添鐙手怯油偏滑磨硯心防墨太粗索米
有書傳白下至今猶未返雙魚
破閒擁鼻短長吟半日清和半日陰鑪炭作聲驚火迸簾
櫳有隙怯塵深冰消化水機初活春淺鳴雷響易沈無定
燠寒人意懶霜凋衰髮不勝簪

驚蟄前作雪卽景

百尺晴絲水際牽踏春逐漸整遊鞭典裘方喜溫陽透驚
蟄誰知冷雨連霧縠續紛迷曲徑雪珠迸碎散諸天殿香
尚有益梅放遲信應誇綠萼仙

驚蟄節怯冷倦臥

似夢還非夢如飢卻不飢倚牀常嬾起推枕觸沈思木旺
寒難達脾行運轉遲應關交節氣筋脈欠伸時

初八早苦冷

春仲煖難回東風凍不開連朝稀出日初夜早聞雷酒已
羊裘換花慳羯鼓催遠峰還滅沒煙樹渺成堆

春宵苦冷

道是韶華氣象新青陽寒鬱未能伸指僵尚怯琴絲理手
凍難教紙墨親春嫩翻疑春作客月遲轉訝月羞人早眠
雖好醒來苦顛倒衣裳懶拂塵

更深不寐倚牀避冷有賦

譙更人靜數偏清睡眼昏騰釀未成煖酒添茶鑪火便斜
風淫雨紙窗鳴祗因避凍登牀穩豈是貪眠戀被輕春到
卻疑春未住冷春四十諺分明

東甌地煖有四
十天冷春之說

春夜醒臥感舊

鍾山廿載憶雲深鄭五狂歌歇後吟眼底回環人聚散
昨得
陳啟南新陽在
內云亡之信
心中多少事浮沈良宵苦短思先臥醒夢

依稀意更尋圓缺爭如明月在清光不改古來今

花朝前三日月吐新晴陣雨未斷似韶光將放有醞

釀成春意因賦以誌景光

陣陣廉纖響又連黃昏吐月到檐前雨過尚帶餘寒氣風
定因知釀煖天薄霧二分春作態淡雲一抹柳生妍年光
圓滿人多誤領略心紛願不堅

熱為寒鬱仲春病困自述

溫陽氣候間嚴凝生氣中多客氣乘木孕欲升條達阻營
陰受灼痺麻憎外寒尚猛皮膚濇內熱難驅骨節蒸暈眩
諸風皆上引辛涼疏散始通靈

東風不解凍作風木之病

嚴冬凜烈體相安二月東風刻骨酸氣欲上升顛頂眩陽
難表達指枝寒辛涼夾治須清肺煩鬱潛消要洗肝經理
少陽先透發勿教陰涸咽喉乾

春冷多悶

春日偏難詠載陽陰寒被體病淹長莫教漢水與游女欲
罵東風訴上皇未飲含愁如中酒有花怯冷不聞香尋常
祇道春光好如此春光闕未央

客懷靜坐

靜同槁木作枯吟冷抱焦桐響欲沈結契襟期惟對古忘

懷得失怕談今風塵雖倦難成隱利祿無憑豈動心衰髮
老僧猶托鉢名山負約入雲深

老境羈寓以詩自遣如起居飲食必不能廢束髮之

嗜樂此不疲其將老是鄉乎

塵埃滾滾髮星星今日耆齡昔妙齡鶴髮龍鍾休歎息烏
飛兔走不留停難將功業名當世惟借文章寫性靈雅俗
一身詩世界吟鄉老住若忘形

仲春初句以外雨散雲收寒消晴放春光始暢卽景

賦成以誌客閒春興

一雨依然不像春冰珠雪霰迥如銀青陽過半晴方好元

鳥平分煖逼眞日麗江山開氣象風柔花柳換精神圖消
九九無留伏不斷生香泥路人
未許東風有覆翻癡雲洗盡眾芳團眼呈山色分明吐手
把花枝宛轉看煙景引人偏入勝冰霜與我了無干譜成
小令春光好脫口宮商字字安
出樹朝暎拂露乾襲人香韻上欄杆飯餘解帶先疏氣睡
去和衣不礙寒節候顯分深淺界化工斟酌二三番多般
做作春如此誰索東皇橐籥看

花朝日放晴

冷到花朝驟轉晴飛來好鳥不知名數番紆踏三三徑百

舌清調兩兩聲葉底金鈴鏗逸韻梢頭紅錦繫香情願春
長在花長壽老去詩人結舊盟

花朝午後晴光入夜月好

嚴寒壓煖不勝情待及今朝景物更好月入窗來少女冷
風出戶逐流氓泛甌結霧除宵渴倦枕眠雲傍午晴老眼
摩挲開笑口直看花事到清明

花朝後一日風雨又惡人多瑟縮不得出街

道是陽和萬象生人猶黯黯霧中行七分煙靄三分霽十
日陰凝半日晴依舊山沈暹水闊幾曾柳媚又花明如何
喚醒東皇夢無任封姨作勢橫

二月十五夜月皎

元宵細雨薄籠煙月到花朝第一圓
遷客他鄉忘已老嫦娥今夕恰如仙
臨江散彩渾無賴射柳搖光倍自然
天遣良辰鍾美景莫教辜負祇貪眠

大二小兒來鄂過冬說湖北省垣較金陵稍煖余不甚然余經過兩冬以爲偶然耳閱報見金陵初旬祥霽大降鄂中近來冷雨淒風不已卻無積雪一再試驗知江南較鄂中更冷也因紀之

深淺寒溫各地風今年比較仲春中冰花雨點情微異湖北江南冷不同有定燠涼評底細無憑議論漫雌雄鄂居

歷歷茲堪證兩度親聆臘鼓鼙

說道陽和又不然天何此醉雨黏牽
閒來飽飯須量腹漸吐新詩也聳肩
血熱難禁春作癢走多容易夜成眠
些些祿米冬支了一冷誰輸貰酒錢

仲春中旬連起東北風客居岑寂遣悶

江干低屋枕寒潭一例東風不轉南
花草精神渾未露冰霜客氣總常含
韶華斷送駒虛擲煙景淹遲蝶懶探
寂寞旅愁誰作伴白頭強逐少年談

春寒滯雨有憶金陵

滯雨漢江邊春分到眼前晴光何冷落
花事太淹煎蠟屐

遊誰訪篝燈照早眠金陵三載隔返棹困腰纏

交春分節苦冷悶坐氣體不舒

寒煖平分候如何春未分無端冰霰落不斷雨絲紛陰鬱
偏疑絡溫和不欠潤筋易滋風木病靜一鎮天君

中甸以還滯雨不已略露晴光不無欣慰奈薄暮冷
雨淒風復作

縱成雨惡又風狂青帝偷安碧落藏號令東南誰管領奈
他不肯奮乾綱

私心一派咒晴光偶爾雲開露太陽世態無常天亦假做
成冷雨溼昏黃

眠思夢想望晴曦窗紙聲鳴喜動疑不是西風來送響依
然東北作頑癡

睡起見晴

頓覺朦朧睡眼舒連朝嬾意幾分蘇腰肢尙帶微微倦鼻
息頻聞栩栩餘晴報數聲啼早鳥喚回一夢悟春駒年華
否極終還泰始信陽春滿做廬

雨歇開晴

釀凍兼旬積雨餘泥深沒屨步難舒煙絲昨夜牽猶溼檐
溜今朝滴漸除一縱一橫雲靄抹半濃半淡草痕蘇定須
三日晴光暢歷亂羣英香滿衢

雛伶七盞燈傾倒一時今由滬重來漢上登臺歌舞

春光明媚爭欲一覩爲快余嬾於渡江盈盈一水

不作桃花人面之思傾耳之餘拈毫以誌韻事

京滬名伶眾口稱人煙簇簇汗如蒸揚州一覺十年夢漢

水重燃七盞燈悅耳恍聆珠串串纏頭不惜錦層層柔聲

曼舞春風蕩傾國成狂浪沸騰

無事偶賦

與時消息靜天倪萬物皆呈類莫齊得意還須存退讓貪

心切勿作癡迷人應有事如無事詩說無題卻有題自笑

周妻何肉累不能干祿尙棲棲

二十三日早起風息晴定卽事

窗明報曉鳥啾嘈起視銅鉦上樹高齒頰漱餘情益爽背

凹曲處癢難搔菜嘗嫩碧人和粥墨墮焦青手滌毫日日

釀晴風未放今朝天意始堅牢

卽日門外散步歸寓又賦

風定晴方好輕綿汗氣蒸蕩胸臨水近豁目暫樓登髮短

難藏蝨鬚長也拂蠅忘機身且住閒比在家僧

二十四日春分晴光方好薄暮雷聲驟起又成煙雨

良辰二月到春分屬望晴舒錦繡文空際忽驚雷鼓驟霧

中猶作雨絲勞草慳淺碧難成帶柳漸敷青欲拂雲欠缺

官園詩集卷六
風光眞美滿化工尙是費細縵

煤鑪起火費事斷續之際須加經心能令晝夜相繼
否則拙矣

重開鑪竈太匆忙曙早更闌一燭光釜若抽薪須檢點水
難勝火要提防清音滌耳調笙澗暴響驚心裂帛狂雙箸
卻如雙管握經營慘淡有文章

二月垂盡雨尙淹淹出行不得望晴有作

孰道春臨二月終消磨冰雪雨煙風出行不過天三兩坐
起頻番睡淡濃惟對少年鄉國話幾逢故友夜窗同清明
上巳忽忽到漢上花叢負老翁

厭雨

是何懶意碧翁翁底事朝陽不放紅大雨易消嫌細雨西
風欠作怨東風景光太半隨流水卉物休教再捲蓬醉眼
愁眉長未展難將緘恨問蒼穹

二十八九日雪霰又作不能出外海棠開落又負春
光一度矣老興闌珊賦此排悶

亂落臙脂滿地鮮佳期辜負海棠仙一場春夢皆春雨二
月陰天又雪天行坐不離方丈室朝昏惟作短長眠如流
歲序牢騷感指冷難禁理四絃

二月垂盡雪霰間作雷聲隆隆雨水太過

雷聲不斷雪欹斜
汨汨波塵逐浪車
門外沒泥深屐齒
階前急溜滴檐牙
何堪村遠難沽酒
不是春歸也落花
醉臥漢濱江水闊
入城市價賤魚鰕

只道春光在目前
閉門靜坐若枯禪
黑雲常蔽三竿日
白浪偏驚半渡船
楊柳人家煙柳水
杏花時節雪花天
隨緣索句消岑寂
客邸身閒晝似年

春分前後已被風雨狼藉屬望清明上巳佳節暮春

煇爛足殿春光

煙景平分二月中
黃鐘換律復旋宮
重輕不定寒溫互
長短剛量晝夜同
壯歲銷磨名共利
良辰斷送雨兼風
遲遲

在後須珍重三月園林惜墜紅

三月朔日仍未放晴霧雨昏暗困坐賦此

清明節近晝天長
春睡懨懨每戀牀
三月寒沈肌尙束
四肢陽鬱癢難當
清朝薄粥炊菰米
溼雨凝脂泣海棠
安得煦風和暢至
莊襟惠帶試輕狂

清明節近有憶故鄉

又是清明客思濃
身羈楚北憶甌東
玉蟾湖上三篙漲
宜地名黃鶴樓頭一笛風
故里池生春草綠
何時帆挂夕陽紅
梨花滿院聽啼鳥
攜榼雙柑載酒同

擬交春以還便欲束裝奈仲春已盡尙冷風苦凍入

宜園詩集卷八
指僵痛所謂莫春之初惠風和暢者不誠然歟因
賦以訂行期

春光淡沲最相宜欲向金陵返櫓枝僵指東風寒入骨分
明不是束裝期

臘底冰霜尚可支春寒客況倍淒其江湖安穩片帆適要
過清明上巳期

幾度迴飈海上輪翳刀剖面快銛人備知辛苦貪遲緩間
暇程途自在身

上巳前一夕

三月初三景物明尖風猶帶客中情依稀山頂還籠霧未

必天心肯釀晴屐齒尋春黏草滑杖頭沽酒繫錢輕門前
滴綠千行柳尙欠黃鸝第一聲

上巳日積雨初歇卽景

一片香魂尙未知春光添閨景淹遲綠波漲起鞞紋皺翠
岫雲橫墨汁歆小草淺痕黏徑滑近枝殘滴溼衣滋卻當
三月初三日不見梨花作雪吹

上巳後二日卽事有賦

何必春狂逐少年撇開妄念卽凡仙齒疏啜粥同嘗酒鬚
動移鐙莫惹煙晴定晚來風作惡漏殘客到夜妨眠清明
漫起思鄉感一憶家山路萬千

上巳後三日野望

霽景人行笑語和山光大別指如螺晴開罨畫村村出水
漲池塘處處多金釀黃花浮隴陌絲拖翠柳醮江波催耕
尙早春閒暇都向田廬曝笠簑

清明前三日新霽始有煖意風猶未已卽景

陰晴氣候兩相爭雨住風猶作縱橫夜縮數分知晝永衣
披半臂覺身輕簾鉤捲幔蜂腰嬾鑪火添泉蠓眼生老去
詩人春夢覺一聲鳴鳥喚倉庚

初霽外出

厄閏年光慢纔聽啼鳥聲一春嫌冷淡三日便清明階蘚

錢痕印牆桃粉黛迎梨花开也未出郭且行行

雨霽晚眺

隔岸峰羅列晴天樹欲分煙開山露骨風定浪旋紋著屐
迷深巷登隄指暮雲浦船停歇滿帆影卸紛紛

武勝門外塘角地方清明節晴煖覽景有作

水村山郭有晴輝桃李遲遲尙著緋攢簇煙花三徑擁勾
銷冰雪十分歸負囊背負尋芳杜點瑟狂歌詠浴沂贏得
韶光無賴甚千行楊柳拂春旗

流光脈脈寫天真啼鳥飛花漢水濱背曳錦囊吟碧草手
持繭箆障黃人小橋楊柳將飄絮隔院梨花不染塵春已

十分無一語輕棉未卸汗沾巾

清明後一日卽事寫懷有述

織罷寒林錦繡華雨絲風翦各還家午餐飯後貪攤飯卯
飲茶來不住茶譜曲泠泠新換律吟毫簇簇欲生葩看花
纔了看山晚弓樣初懸月勢斜

晝永花香煖氣薰垂簾寂寂意殷殷笛蘆初換新聲發畫
法還痴宿墨芬臨臥鐙光餘半燄煎茶火候欠三分文情
俗事吟多暇破費工夫日已曛

三月望前三日卽事卽景

新巢乳燕又今年寒食期過罷禁煙啼老黃鸝三月暮喜

逢玉兔九分圓閒身門掩梨雲乍活火茶煎穀雨前白裕
宜人輕且便漫行城郭草芊芊

擬三月望日過江薄飲三人釀錢爲婪尾餞春小酌
東風拌醉乏腰纏半月留春有限天打槳渡江衝漢水釀
錢沽酒展湯筵不謀而合情難已少許勝多興自然裙屐
場中添白髮當頭莫負好嬋娟

三月望日午後雷雨交作獨坐偃臥寫懷

漢上桃花漲浪痕三年作客住江村書爲知己鐙爲友風
有威嚴雨有恩攤飯斯須過白晝溼煙黯淡誤黃昏棲身
水國嫌遼遠笠屐無人肯到門

又雨不止夜坐

雨罷連番雨飄搖損落花尋眠肱可曲覓句手頻叉香酥

金壇米

馬寶楨送
香稻米至

甘嘗顧渚茶人如春易老遮莫怨天涯

雨後江干遠眺

長流汨汨蜿蜒蟠叢柳成行氣欲干三日晴和添朗霽一
宵雷雨作輕寒泥浮鴉嘴鋤猶溼山洗蛾眉秀可餐放眼
澄江飛匹練水天一色墨雲翻

暮春時節風雨不已

杜宇聲中景物非飄黃塵粉牡丹園客偏戀戀因春滯春
亦忙忙作客歸膩草綠雲牽斷續小桃紅雨亂紛飛安排

一段將離曲梅子新酸濺齒微

春光垂暮風雨甚惡昔人所謂一半春消風雨中今

春殆有甚焉悶坐歎惜

暗中歲月易消磨九十韶光八十過美景良辰偏若此淒
風冷雨竟如何沾衣香溼遊車阻喚渡聲喧著屐多轉眼
東君歸去也由來好事總蹉跎

漢上盛開洋界戲館茶園誇奇鬪麗伶人七盞燈小

牡丹孫菊仙輩登臺一曲喝采千聲名標漢報品

列榜花好事之士乞爲徵詩嗜痴成癖負弩先驅

觀場者爲之心傾局外者不勝耳熱傳諸韻事懇

宜園詩集卷八
三
為寫真吳兒似我豈真木石心腸
僧父相嘲未識
廬山面目祇能擱筆肯效隨聲
因賦以謝

狂蜂遊蝶恣吟聲俗耳先傾定品評
卿我並憐應有自情
文不洽豈相生未看桃李春風笑
尙隔芙蓉秋水情摩擬
虛空渾莫肖梨花巧舌妙難成

二十五夜醒臥卽事

三更漏罷四更初欲燼銀釭睡眼舒
驚我和衣支起枕有人隔座坐看書
情懷莫觸思都闕指爪頻搔癢未除
捕鼠飼貓貓又鼠盤飧盜食味無餘

暮春覽景寫懷

小草香魂氣欲萌禪機妙偈悟無生
江湖未已休嗟老方外難逃豈戀名
如客年光三月暮無人物色一身輕
回頭流水當頭月造化忘情卻有情

暮春慰懷兼話景物卽事

粉褪香銷漸落花鶯兒啼老野人家
么麼恃勢身驚蚤鼓吹聞聲耳聒蛙
芍藥簾櫳風翦定薔薇院宇月鉤斜
年光容易如過客尙說相逢又歲華

廿九日薙髮一畢系以小詩

龍鍾自分竹衰翁修削霜顛頰轉紅
五日爲期神爽朗一時顯技氣清空
奏刀雲豁揚眉境脫穎春生著手功
白髮

頓刪湯沃雪不教頭腦笑冬烘

四月朔日卽景

卅六璇閨一氣終春歸已在不言中
乍酣卯酒垂珠露尙避丁簾怯
翦風縷縷草香沈水碧飛飛花隊
守宮紅韶光無賴如堪買何惜榆錢
十萬通

二日夜坐卽事

不是西風不放晴黑雲吹散午天清
清新沾白墮鵝兒泛漸近黃昏兔魄
生鬪智小孩拚象戲縈懷羈客問鼉
更鄉談入夜鄉心觸打點蒲帆計日
行

初旬夜坐

夜短更俱短停雲一段琴雖然微有
月較勝悄多陰四月飛花節三春苦
雨吟殘紅消瘦盡易觸故園心

初旬客閒覽景有賦

少壯無成忽老蒼眼中雲物客中忙
鶯花吹謝漫天寂鶴草叢生滿地芳
點瑟牙琴欣自寫莊襟惠帶淡俱忘
翛然無與渾無我四月清和換景光

立夏前一夕誌景

嫣紅飄盡綠鮮妍餞別東風已杳然
遲放楊花飛作絮新抽荷葉大於錢
殘星數點忽開霧落月三分尙滿天
蛙鼓聲中良夜短教人嬾不卸衣眠

立夏日南風主霽入夏景象逼肖節氣

應候南風協律時薰絃入拍換冰絲含桃顆綴金珠燦煮
筍禪參玉版宜壬癸佩符添潤澤丙丁旺位展炎曦堂堂
春去歸天上桐葉新舒閨便知

立夏節客邸卽景誌感

鳥囀歌來入夏初碧藤陰下喚提壺麥登火改飛紅盡物
換星移眾綠蕪醉裏愁從天外出眼中人儘老成無在座多是
年少不如歸去聲聲急四月江鄉聽鷓鴣

十三日已逾立夏二天矣今春久不見月是夜月色

最皎欣然一賦

四月良辰已一旬淹留入夏氣初勻過來兩晝風纔定羸
得三分月更新到座談心聊破寂出門滿眼淨無塵沈沈
百日春虛度此夜清和景逼真

十九日起風沙江望有歎

黃沙捲霧起無端飛雨狂飈湧急湍入夏未深交小滿竟
朝太熱作重寒但教垂幕棲身穩仍試輕綿貼體溫眼見
亂流人踏險臨江觸目總心酸

午後倦乏不出

悄悄東風淡淡煙懨懨倦困未成眠非關中酒非關病釀
雨黃梅四月天

閱報有風氣自由說

斯民遺直道心公呼籲無聞塞目聰漁利紛爭皆鷓蚌官
權壓制等獮狨網羅久繫僵思脫琴瑟更張妙始通逼極
能飛窮則變如何不起自由風

新河閒眺

荒田嬾意種桑麻一帶廬居苦作家放鴨塘坳春水滿伏
龜山背夕陽斜茶香入鉢新凝霧草膩成茵輒踏莎無業
流逋歸不得墾耕未就稅先加

廿六日閒步卽景卽事

三徑無花寂寞天但看一碧草芊芊石榴未放閒清晝桐

葉纔舒識閏年驟煖蒸人先試袷微寒入夜欲加綿此番
梅雨江流闊網得鱖魚上市鮮

卽事寄懷

月月郵書到不差未能插翅漫思家新香嫩玉蘄州筍大
葉粗莖普洱茶紙帳三更應夢蝶柳塘四月祇聽蛙西窗
翦燭良宵短賸有窺人桂魄斜

二十八午後過江瓊仙閣小坐眺望黃鶴樓諸山薄
暮而歸

低帆卸渡漢江邊小閣瓊仙一榻眠入夏金鶯啼嘹唳何
人黃鶴去蹁躑伯牙臺近懷流水庾亮樓遙指淡煙日色

漸沈楊柳岸萬家燈晃水中天

廿八日晚得三兒憲焜以第二人入泮家報喜述

抱泣遺珠記昔年珊瑚網起出深淵泮宮初掇芹香秀漢
水纜教竹報傳三度懸牌遭貶外三列名懸牌
提覆額滿見遺今番拔
幟忽登顛沾沾一得休狂喜養翮冲霄勵志先

五月朔日大熱

朔日如臨大暑天不衫不履自儻然茶香乳鉢春泉注房
小薰籠夕照燃片片火雲同絮吐盈盈汗雨似珠穿一枝
吹罷琅玕竹好把新詞白紵填

余年六十有六下鬚亦白忽有人問我八十否似憎

其言之蹶展轉自思問者原無成見坐消歲月老

無能爲未免聞之心驚耳一歎自記

鬚鬢蕭騷雪滿頭古稀已屆老夷猶少年不解龍鍾事忽
問今年八十不

戲嬉了了說兒童此日居然矍鑠翁豈是旁人言過分十
年轉瞬一帆風

憶丁嶼楊梅

金珠論價買枇杷漢口今年枇杷
稀而且貴味酸漢市寥寥果品差久客

老饕鄉味憶楊梅時節總思家

端陽日卽事

宜園詩集 卷八
約略榴花照眼明黃梅初歇半陰晴過來端四剛端五拍
到長清復短清潮打石城懷舊句騷吟澤國發幽情芳蹤
遺韻堪憑弔猶聽江流羯鼓聲

端午日大熱卽景自書

祝融秉令恰當陽仲夏今朝熱倍長永晝便思尋避暑五
更始覺有微涼湔除枕簟纖塵淨披拂蒲葵小扇忙種柳
千行根蒂淺綠陰尙未護深堂

月之八日渡經漢陽歷觀鐵路鐵廠鎗礮廠一登晴
川閣覽景而回紀遊有賦

何處萋萋鸚鵡洲江流襟帶眼中收彌衡作賦千秋恨崔
顥題詩兩字傳拂樹清風頻解帶行天赤日暫登樓此來
不爲看形勢穩步當車汗漫遊

望前武愷二營官廨卽景卽事

屋傍長隄閣枕江襄河水注湧驚瀧天陰五月風生袂夜
坐三更月到窗蚊帳笙竽音細噤蛙塘鼓吹語喧唳稀疏
漏點眠宜早往事心頭慎莫撞

望後避熱夜坐

消受虛窗一味涼陰陰綠樹護吟房參差蓮葉銀盆淨開
落榴花琥珀光望月圓來圓又缺夏天熱好熱偏狂鬪塵
避暑無他法靜坐忘機絕妙方

仲夏望後倦怠心煩四肢懶運火蘊上焦血中氣滯
亦關節候使然

黃梅氣候欠調均倦乏頻頻作屈伸蝶化幻軀同漆叟蚊
鑽刺股等蘇秦冥情罔覺心無著忍俊難禁肉不仁火旺
金衰呼吸促耽眠易耗肺家津

夏至前六日夜坐蚊甚惡四更後假眠夢起成此

一陰未復晝長偏料理昏黃及早眠蠅虎先教驅出帳豹
蚊差幸避薰煙耳邊側聽三更漏臂上應遮半段綿軒冕
不曾來入夢依棲膝下事悠然

漢口水勢驟漲汪洋在望過江不得流覽卽景

作吼蛟龍氣未降回旋捲浪花撞黃梅漲起天還霧楊
柳陰多綠滿窗雲鎖峰腰都沒樹帆收浦口徧停艘建瓴
下注襄河勢駭險無人喚渡江

塘角卽景

塘角當年盡種蓮旋渦高下碧田田一江界畫華洋地兩
岸頻牽早暮船照耀樓臺山吐月亂翻燈火水搖天炊煙
漸聚成村落大半人家住柳邊

閏夏客居閒興卽景

身似閒鷗局外看天涯棲息一枝安晚晴檐際半鉤吐夜
雨江干六月寒把盞珍珠傾琥珀隔窗碎玉響琅玕黃楊

厄閨桐知閨生意如何有兩般

乍霽出門野眺

閉戶兼旬坐琴書慰渴飢三篙流更急一雨路全移藤蔓
牽危壁芭蕉出短籬長隄聊散步小暑過多時

炎夏雨歇閒眺

小巷人家密樹陰溼泥沒屐徑難尋浮青披抹山明滅眾
綠橫生草淺深蓮澈波光翻碧玉瓜棚花朵綴黃金溪凹
不見人垂釣落照林昏色欲沈

長夏閒興

干祿無心嬾不妨科頭箕踞一匡牀難從摩詰參禪悅祇
學劉伶作酒狂豪氣頻吹尺八孔逸情還揚十三行侯嬴
七秩年將至窮達何須話短長

長夏靜坐卽事遣慮

半載勞薪一息肩縱余嬾性避炎天豪情已謝樽前話省
事惟貪飯後眠莫管百年如過客不牽片念便閒仙榜嚴
領悟無生偈茶榻風搖碧縷煙

客居獨坐

究竟人知遜已知自家備歷幾安危他榮我辱惟隨分往
事今情盡入詩可笑雌黃評杞梓但看黑白戰枰棋胸中
別有真千古底事行藏問卜著

宜園詩集卷六
閒居寂坐卽事有感

昔從絢爛漸和平淡極無言趣自生習靜早除脂粉氣好
音猶理管絃情人心詐僞因貧改世局遷流冒險行萬事
安能如我願庸才意態易矜爭

靜夜寫懷

頓開塵蔽識毋膠萬慮皆空月在梢隨分食眠心尙較泥
人名利念全拋勞勞軒冕嫌多事戀戀琴書作故交伎很
鷹鷂爭世路閒如野鶴不離巢

自寫慰懷

古今天地一蘧廬榮利拋開樂有餘洗耳未離絲竹肉蕩

胸惟借畫詩書豈爭青史誇名字不讀丹經適起居七十
行年知己屆肯求人好且從吾

城垣湫隘炎暑逼人每作世外結廬之想一曠心境

老懷自遣

耳根聒絮謝塵凡何必憂譏更畏讒妙偈偶然參道釋結
廬安得傍松杉故鄉有水同彭澤天下無人夢傅巖白髮
深林消歲月不妨桐帽共蕉衫

詠蚊

刺肩吮臂又嚙身勢不能驅暫避人撲去忽沾肌上血痛
來每潤口中津剝膚卻中陰謀毒聒耳遣教細語親前度

宜園詩集 卷八
跳蟲餘孽盡掃除豹腳令重申

詠淡菜

南海夫人住海潯

一名南海夫人

如何形狀肖前陰深閨女子羞

顏問弱管騷人體物吟色嫩登盤堆碧玉價高入市抵黃

金水居豈感膀胱氣毛際叢叢又淺深

醫經謂前陰毛密者係膀胱氣盛凡

食淡菜多鬚先宜翦去故詠及此非敢語近於褻也

六月初旬夜席地臥吟

昏黃避熱席回廊眠起三番覺夜長星近秋期千點密天
多旱意五更涼蚊潛入帳因風絮螢射疏窗逗火光放誕
誰如貧賤樂不衫不履自輕狂

何處勾留伴此君

窗外竹

綠陰匝地護繽紛千行珠汗蒸如

雨一片冰心夢入雲弱縷微風吹細響新弦淡月淺成紋
跌踟莫訝僧家相無束無拘坐夜分

六日消夏夜寫

軒冕泥塗兩不知泊然無慮復無思墨磨鵲眼三分膩簾
捲鰕鬚一半垂浴罷風來鬆骨節睡餘茶熟沁心脾江干
水閣堪消遣淡月昏黃覺露滋

磨鎌新月挂簾旌片絮雲飛曳縷輕六月暑深剛六日二
更漏盡近三更崇朝烈燄洪鑪灼入夜微涼臥榻生天上
繁星難細數河光如練界分明

調攝卻暑設法保身有賦

烈燄騰空暑易親不知巧避慮沾身汗多怕損心傷液食
減休教氣悶人縱未成眠須合眼但憑靜坐也存神柳邊
散步桐邊立脫略形骸一味真

初十苦熱夜坐納涼卽景

卍字名香炷不焚滌煩茶露吸清芬晝閒檢帙頻驅蠹夜
臥披衣卻避蚊小扇編蒲搖素月疏窗滅燭散紅雲空齋
獨坐澄心慮最愛蟾輝照二分

席地欹眠竹枕頭銀河遙指近清秋蟬琴入拍悠揚度螢
火迴輝上下流天似琉璃雲似墨星如琥珀月如鉤圓光

涼露垂千點又訝珍珠夜不收

十一日過江旒險

晴霽應知怒浪平襄河下注忽驕橫頻頻丈數終朝報

逐日

報水岌岌危機頃刻生覆轍相尋仍不免操舟漫認自神
明所憑素日行忠信臨事還須倍戰兢

初秋得雨

細意評量夜較長澄懷落月照回廊入秋尚覺三分淺消
暑都因一雨涼熨體不離新竹楊草身欲索薄羅裳年光
容易人偏戀贏得荷花一度香

立秋後起風雨二天驟覺涼爽

一番風雨洗筠簾侵臂涼痕筆可拈暑氣到秋三日退漏
聲入夜二分添斜垂素幌琴調耳依戀銀鐙字映髯惆悵
頻年鴻爪繫青蚨負約悶懨懨

今歲初秋涼爽喜作

肺液薰蒸骨節熬歷年秋令亢陽驕病魔纏臥房樞炙燠
旱欺凌草木焦鑠石流金今歲異甘風和雨及時飄引商
自有涼飈至不待珍珠一斛招

晚晴臨江歎望襄河出險頻聞卽事有賦

流險荆襄易陸沈過江打槳落干尋風車雲馬橫無已鬼
斧神义力不禁斜日迴峰堪豁目摧檣折舵太酸心秋高

氣爽人閒立駭漚長隄汨汨深

六月將闌夜深未寐偶增鄉感卽景自賦

蟬吟高柳送涼聲雲墨斂空月不明四五更風生爽颯兩
三番雨釀新晴銀釭子夜攢花密鐵騎丁東曼竹鳴大幸
年光來七夕星槎應照故鄉程

下弦月底夜熱卽景

拂拭焦桐悄坐時下弦午夜月偏遲星期已近星逾皎露
節紆延露不知一領蕉衫身尙稱半彎紈扇手難離蟲聲
未起秋猶淺卻暑惟填白紵詞

脫略形骸不曳裾徘徊曲徑踏斜紆筒杯泛月光初注綠

宜園詩集 卷八
綺眠雲興不孤律紀十三年遇閏散沖六一水調符千行
弱柳濃陰坐安用招涼照乘珠

火上炎炎六月驕金商司令盼涼招夜眠驚覺思茶渴秋
熱煩窻內火焦枕輒易教身轉側扇停護惜臂勤勞尋幽
祇愛離人坐背癢還呼穉子搔

螢火飛飛誤小星絕無一事坐空庭交秋祇道秋應爽處
暑依然暑不停蠅吮墨毫揮未已蚊鑽砭背癢難勝者番
展席花房宿睡眠頻教待月醒

苦熱浴後卽事

誤被虛名別故家頻年六月總天涯花間覓句閒情寫錯

畔繙書結習差蕩滌心煩惟有笛剛除肺渴莫如瓜無他
灌頂醍醐法櫛沐鬆肌洗濯加

門前避暑閒行江望

房櫳偏仄出門前散步長隄一線綿過渡卻疑江水熱停
舟還有布帆懸滴花小徑香盈握荷笠行人擔壓肩夏去
秋回涼未透柳梢不動晚吟蟬

廿八日夜熱似減

微雲淡淡起黃昏落照無多近水村差幸二分消溽氣祇
教一縷起涼痕窗牖久坐鐙還避松際聯吟石可蹲三伏
餘威雖炙手薰天氣燄豈長存

廿九日熱極

一番得雨已生涼豈料驕陽勢忽張有樹無風負獨立當
秋較夏亢非常江沈落照星初上天起微雲火不狂南斗
闌干人未寐晦期辜負月流黃

三十日聞雷望雨得陰

纔聽秋雷第一聲望空漸漸陣雲生雖然雨到前山住此
處濃陰乞得成

入夜涼風驟爽

星期皎潔隔牽牛金石銷鎔熾燄流今夜釀成秋氣象火
龍萬道一齊收

七月朔夜

兔魄逢初媚未生星光燦似月光明蜘蛛網墜風前碎蟋
蟀琴調雨後清颯颯蕩胸添逸興颼颼到耳換新聲羈人
不作悲秋感一味枯禪淡漠情

新涼早睡

素秋爽颯振清商風至猶令火沸揚厄閨不堪遭重累今
朝纔得換新涼池蓮香拂湘簾動星斗光搖碧漢長夜夜
失眠尋補筆安排濃睡整匡牀

感秋

七夕前一夕雷雨
交作大有爽意

景光偷換歲如流畫餅名場白髮羞雷雨釀成秋氣爽琴

書消得老年憂，頻仍馬足蓬隨梗。底事蠅頭餌，戀鉤廿五年。中江上客，淮南歲歲盼牽牛。

七夕漢上作

韻事深闈話女牛，十分暑氣未全收。良宵恰是雙星會，作客曾經兩度秋。卻扇輕風生院落，磨鎌新月割江流。汀蘆沙鳥閒情甚，不爲離愁也白頭。

夜爽蚊去

知難戀棧計先歸，斂翅何須作陣飛。得勢乘時身便退，免教羅網躡危機。

西風料峭到房幃，眼見趨炎跡已稀。此地知難仍聚族，欲

遷部落作何依

下浣三日後園散步誌景

園畦草創亦天然，景物隨緣滿眼前。草屣棕鞋行款款，風狂衣袂捲翩翩。紅黃英吐胭脂碎，紫白花開扁豆鮮。消息一秋今到早，更深月欠數分圓。

秋分前三日小飲薄暮後園散步

金精令序屆秋分，一片鄉心託暮雲。薄袂乍添身自在，新醅纔飲意生醺。蛸蟬逸韻枝頭咽，絡緯吟聲葉底聞。向晚荒園疑有露，依稀小草起微薰。

秋分前二日武愷營幕夜坐卽事

宜園詩集 卷八
陸居宛在水中央得氣先知一派涼盃大梨頭餐玉液珠
圓栗子飲瓊漿連聲欵乃流隨遠幾許推敲夜較長漏箭
沈沈波瑟瑟小窗燈淡訴吟蛩

秋分前一夕遣懷

颯爽風高葉未零繁英碎豔滿空庭每思返棹身猶滯祇
抱殘編手不停摘桂閒情同小隱煮茶無力買娉婷愛他
蟋蟀琴三弄一點燈光傍枕聽

秋分節出園閒步覽籬落花卉誌景

曩年八月尙驕陽添開今番一味涼徑外平莎迷淺跡籬
邊弱植有餘芳芙蓉葉訝桐梢放楊柳枝疑竹篠長早菊

中秋難問訊西洋小種綴新黃

待月漢江時三兒應浙闈試畢來鄂省視之期在十

四夜作

樽前莫笑老顏酡佳節他鄉不廢哦柳拂牆凹三尺長月
圓鏡樣九分多甌江雲樹千重隔漢水中秋兩度過文字
瑣闥將罷戰桂花消息問嫦娥

中秋對月

金陵廿載閱當頭漢水相逢兩度秋如此鬚眉如此月他
鄉仍作故鄉留

省識兒童看到今清光不改舊升沈他鄉故我年年異明

月無心我有心

看月不待夜闌歸房靜坐悄然自賦

靜禪悟徹慧生明色相俱無百慮清但說望空看月樣頓
教對景觸鄉情曩時依舊清輝在此夕無端暗恨生不及
垂簾人靜坐心波未減浪都平

下浣二日初見波羅花怒放

未識波羅種相逢一笑狂連叢還帶刺有色卻無香簇簇
英初吐重重玉比光芙蓉猶後放先已報秋芳

今秋日本東京大操閱兵各省派員從事其間大兒
公衡實與斯役即日展輪啟行因賦二律聊作書

紳之銘益覘返旆之光勗哉勉旃

東瀛仙路一帆吹黃鶴樓前擗笛枝舐犢深情應共諒斫
鱸鄉味有歸思濫竽久寄江南客攬轡今題漢上詞翹首
他邦懷白髮性情纔不愧男兒
終軍欲棄出關襦三十鬚眉氣吐舒實至名歸收效遠神
清志定建勳殊塵開嗜慾澄如鏡雪淨聰明妙似珠笑指
扶桑紅日麗遙征返旆望徐徐

留別武愷營諸官幕

記辛丑秋來鄂幾近三年忽如一瞬大兒平以武
備學堂優等生進身忝任愷字營管帶日前出差

東渡余亦將有他行自假榻以來與諸君朝夕相
見心志甚孚暫時判袂不無有動於中賦此抒念
所望始終不渝遠猷克壯改良新法日起有功盼
後進之多英慰老懷之景仰豈不懋哉

蒲帆料理欲還東自此江流九派通栗里山光將到眼卓
刀泉味已澆胸登樓有句曾題鶴行跡無心卻印鴻尙戀
秦淮拋不得遂初始願賦難工

營漏同聽炮燭紅贊襄冗務洽賓東宦途漸改翻花樣軍
律從新換羽宮七秩余衰慚犬馬尺書公等寄鱗鴻武昌
領略魚滋味也憶鄉鱸一棹風

去鄂舟中有感

留戀三年一瞬中吳山楚水泛歸篷鉤雙初印江千月尺
八橫吹海上風遠清蒼葭辭漢口舊廬黃菊憶籬東棲棲
豈爲浮名者世運遷延遇輒窮

癸卯交冬後荷莊閒眺

十月將交漸有霜小橋流水碧汪汪采菱事了風蕭瑟無
復衝波打槳忙

女紅不解事蠶桑耕作人家結水旁高下護籬編短竹橋
林夕照暈微黃

照戶山光秀色添虬髯松頂碧鬚鬚撐空欲作騰拏勢徧

宜園詩集 卷一
護浮屠捧筆尖巽吉謂之
文筆峰

檢理舊稿

小字臨窗展轉看如探故嶺觸啼猿依稀重話前生事夢
起無痕淚未乾

憶遺書未至

萬事何能計未然雲山況復隔蒼煙寄書不達渾閒了遮
莫勞心苦挂牽

正月八日公衡兒移軍京門北通州駐定後書至今
以文武將材相期賦詩寄勗

庭階玉樹五株森昆仲
五人夙慧瑰奇汝器深姊逝分枝連理

痛同懷姊前年
在蘇物故母亡抱種護雛心襁褓隨余出外以鍾
愛故自加調護長成遷

鶯出谷啼偏早噉鳳棲桐響不沈國士無雙聲價茂燕臺
咫尺築黃金

物聚於所好散於所不好昔年梅圃蕩作平蕪三十
年培植之功廢於一旦豈不痛心甲辰四月宜園
散步根觸不能慰藉賦此遣懷

荒園花木劫灰餘三十年來一世殊叢桂猶留高下幹新
桐添種兩三株重翻塗抹閒吟本還補平生未讀書十口
粥餽甘淡薄隨時籌畫自安舒

甲辰暮春吳公虞卿暨夫人六旬雙壽史君蘭莊祝

詩傳誦適值天中令節薄醉揮毫補和二章聊當

一粲

回疆底定奮鷹揚前用兵甘肅著績露布書騰墨有光古越雄封

資坐鎮今春補授浙江定海總兵歲星分照沐祥康添丁天保麟雛瑞

前歲弄璋周甲雲披鶴髮長絳縣老人詢紀歷鐫功姓氏

動蠻方愷軍名著中外

健將如雲錦旆揚麾下多宿將恩榮新寵荷龍光新簡總鎮又加級西

池果熟含飴笑南極峰高拄杖康頌獻齊眉賡畫永宴開

婪尾駐春長何須採藥天台路生就青瞳兩眼方

五月十四梅雨不止

黃梅天信病相侵夏至過期五月深有雨有風還有日爲
寒爲熱復爲陰繩牀覓句橫欹枕板屋飄流溼滴襟閉戶
無人來屐齒綠錢滿地滑層層

悶雨

雛娃索果曳衣裾悶雨難行困敝廬今日莫追前日事故
鄉卻報異鄉書醒眠合度心無撼飲食隨時體自舒薄暮
荒園聊散步閒看新綠上庭除

十六夜納涼

一番浴罷起微涼幾翦蘭飄自在香心地皆空人未睡滿
階淡月暈昏黃

宜園詩集 卷八
竹牀破舊便身安半冊南華手自看贏得桐陰高過屋風
翻葉動月光寒

寫悶作坐忘語

世事無涯歲有涯寸衷不著滌纖瑕身思大隱仍居市中心
似枯禪未出家寓意琴書寒暑藥累緣兒女性情花渾忘
空洞能虛寂湛湛光明澈物華

不落言詮默息紛掃除渣滓淡天君寸心得失忘千古百
歲光陰去二分祇以玄禪參定性難尋耆舊話斯文有誰
自悟無生偈坐傍松風妙語聞

城郭依然故交凋謝哀樂動中難消永日鄭君漱石

見訪談詩娓娓兼索拙著以訂篇什往還聊抒岑

寂因賦誌慨

琴樽晤會事荒唐顧影淒涼感故桑每厭喧囂棲地僻轉
嫌寂寞惱天長年雖遲暮身還健眼閱榮枯興不狂深淺
知交多入地作何酬答作何忙

傷心舊雨倍淒其閒步江村欲訪誰東野抱慚羈散吏鄭
虔見贈寫新詞來遊南郭看荷葉慣住甌江賦竹枝

漱石喜詠

竹枝老我粲花猶有舌與君破戒一論詩

詩境自述

不廢長吟復短吟有聲圖畫墨緣深春花秋月抒懷抱流

水浮雲寄古今刻畫偶然成宋派登臨間作入唐音每由
天籟問情性我本無心似有心

門戶相爭是鈍根操刀莫割理何存好題難得求丹訣俗
事無妨粲筆端見賞原非庸識許流傳便作古人看但誇
形似稱家數身後誰知祿位尊

隨聲高下一宣揚詠歎長言孰主張吞吐自然成律呂權
衡豈可壓冠裳謫仙逸氣江山孕騷祖傳神草木香人籟
鳴隨天地籟拓胸何處不文章

立秋前三夜

客退鬮纔寂黃昏輒飯宜譙更初起後疏雨忽來時茶味

傾瓷鉢鑑光照瑤璃定心如止水秋意逗階墀

立秋夜坐候月

閒庭坐久納微風疑雨疑颺響碧桐倦睡忽教成夢覺不
知身臥竹牀中

一戀痴雲結想長愛根難割痛難忘豈知粉碎空虛裏圓

缺無心月有光

見月

寂寞憂思苦萬重故交雲散杳無蹤多情惟有青天月海
上良朋到處逢

公衡兒駐軍北通州郵書屢至輪期無阻俾余得悉

情事兵將歡洽整暇雍容可見少年敵愾不可不

文武兼資人材關於學堂者大矣七月望前一夜

韜鈴將略陣雲開後輩人豪亦壯哉蠟燭鎧花三度笑

至書鎧花戲雁行寄字數番迴每舒望眼秋生袂且將吟

髯月照醅遙憶兩湖諸子弟京門翹企不凡材

十四夜月皎兀坐慰懷

識超命外性夷猶事物忘懷任去留處暑天還同溽暑初

秋月不減中秋心如止水虛無滓睡有名鄉倦且遊人籟

息喧天籟起光搖桐葉響颼颼

日俄戰禍尙亟公衡兒管帶鄂軍駐北通州未悉移

軍出關否家書緩至盼望有賦

將略兵權屬少年駐軍京國壯流連遠書傾耳嫌遲到愛

子縈懷每挂牽俄日縱橫爭割地官家坐鎮也籌邊

外例未敢干預凶荒疫癘閭閻苦烽火如何尙接天

同鄉中駭傳余在家獲病公衡兒忽飛電馳詢覆電

先去因寄之以詩

陣雲迢遞隔京津馳電驚詢白髮人甘苦關心同士卒勤

勞繫念結君親詩書且療余忘老金玉還期汝保身滌暑

須除三伏火早眠少食爽精神

有懷公衡大兒領軍久駐京門余故里棲遲岑寂抑

鬱無可與語者亦有往北意自賦

幼慧神奇挺異姿鳳毛麟角越常兒亡慈寄託期無負愛
子縈懷豈有私大器盼成光玉帛諸昆賴爾奮門楣老夫
不是貪甘旨肺腑相關汝最知

前得兒書訛傳余病寄吉林參等昨又得書并輕狐

細羔皮先時籌余寒計覽書慰懷誌此

皇華行役擁貔貅北道思親寄遺郵衣食關心寒到早吉
林參併輓狐裘

去私篇

後事非所料前事不可思誰不數前事祇足增哀悲眼前

急顧影倏瞬又改移仰天見白日東去復西馳明月幾圓
缺月月有還期人從二氣來不識又不知性地有善惡狀
貌有妍媸妍者人見賞媸者人見遺妍媸豈常保粉澤難
飾施好醜與老少愛憎輒隨之喜怒爲進退人情大可嗤
變幻皆如是歎息莫能醫黃土團人身血氣胚胎脂聚散
一生死原非金石姿千載去不返百年有盡時一息無停
晷萬念何可追滄桑屢變改少壯卽盛衰靜躁不知量強
奪偕恩推人欲稍有聞天理日以漓心田徒汨沒灰燼莫
燃炊何不理性情洗垢滌瑕疵形質非可恃淡漠存神奇
不見夫杲杲惟出日南北陸行隨皎皎秋月白弦朔若有

宜園詩集卷八
感時事感歎
虧吾心有主宰百慮杳無爲方寸卽兩大有象皆無私

感時事感歎

賄賂升官意氣雄衙門寂寞遇終窮枉才枉道呈身易防
口防川設計工生齒遷流誰抱痛下情蘊蔽不能通貪殘
壓制仍如是魚欲潛淵爵去叢

感時事罪言寄慨

烈士從無假羽毛投閒仍不改清操旌旌得意皆奴隸節
鉞稱雄盡斗筭援手先教營兔窟揚眉便是詔龍韜五經
掃地風斯下豈識男兒蹈海高

感時事寄憤雜賦

強權持世逞凶頑組織衣冠盛野蠻徒抱仙心銷俠骨何
堪婢膝共奴顏分明瓦注充金注倚視冰山作泰山禍過
災生難布子殘棋全局誤相關
摩空鴻鵠異凡禽壓力風狂我不禁流水自彈雲外響迷
津莫向霧中尋侯門挾瑟知非願滄海撈鍼誤用心甘守
馮唐閒歲月撐張老眼閱升沈

慨世感遇自歎

多財善賈不饒人當代求材類積薪少壯難成期晚達貪
夫得志我長貧但充魚目能論價詎是蛾眉肯效顰自守
太元還抱素任他門巷草如茵

不材自負入山深古調難諧俗耳音窮命註來成鐵板媚
人何處獻黃金暮年自歎馮唐老同志誰憐貢禹心貴賤
皆能由趙孟較量道理尺兼尋
鴻飛胡不去冥冥謀食棲身傍小汀薄宦無情如水冷當
場出色有錢靈險途多刺生荆棘異性難投若炭冰報道
楚王非好瑟君家白雪不須聽

歎世感遇慰懷自遣

碌碌無奇世棄捐當途得志盡名賢庸材何敢希庸福聽
鼓應官廿五年

恩私賄賂太猖狂未許寒門一見長不是真文能度活臣

飢欲死漢東方

歎遇自寫強慰老懷

難謀祿養負趨庭無望王公眼色青虛抱丹心空惓惓至
今白髮漸星星老吹鐵笛聲猶壯冷尉紅鑪手不停鈍朽
自知非世用一篇祇乞古人靈

聲希味淡謝鉛華雖未頭童豁齒牙徒負虛名遭俗笑還
將佳句向人誇茶調雪盃胸無滓字照冰絲眼不花天霽
出郊頻問訊近來芳釀在誰家

年來老與嬾相并每每和衣作睡醒聞破塵緣如掃霧慎
持飲食總零星風雲千變中難撼日夜雙輪走不停萬古

流光無繫理放開懷抱葆虛靈

感事自賦

標榜聲華氣類同禍衡埋刺未能通
驅溫且飲預知子遇挫頻如不倒翁
桃李因依沾早露柳蒲容易萎秋風入山
小草蓬蒿老石火星光轉瞬中

意懶自歎

因緣門戶事全刪無怪人嗟老且頑
減食祇因行動少懶交怕惱性情閒
翻嫌櫛沐爲多事間遇佳醪亦破顏
用世無才甘寂寞浪傳詩句在人間

淡忘自適

及時行樂莫蹉跎過客光陰可奈何
難悔向來塵網苦休教再被利名磨
徐行散步抒煩鬱熟睡調神養太和
除此別無他福分自能消受老顏酡

遣懷

白髮垂垂東復西苞苴世界我無棲
不才應屈敢誰怨薄宦長飢賦命低
逸少寄懷哀樂往蒙莊幻夢死生齊
詩多便是窮途淚隨處江湖點筆題
莫向窮途灑淚行且將一曲鼓滄浪
昨宵過去皆陳跡往事難拋總斷腸
到處不妨成曠達浮生何必太蒼涼
悠然惠帶莊襟想萬事浮雲祇淡忘

寄懷

不要彈冠曳綬紳不須囊篋燦金銀
葡萄酒熟青山笑紅豆鐙搖白髮新
明月梅花開畫本銅琶鐵笛老詞臣
寄懷天地牢籠外任喚江湖散漫人

不道勳名照汗青不求仙訣讀丹經
蕩胸卷軸消憂慮著眼山川寫性靈
遣興詩篇多近體知心朋友有忘形
身藏十二萬年內烏兔東西任不停

憤世

一番雨露一番春蘭蕙無言蔓草新
壯不封侯今已老世乃重貨我長貧
揚眉多是高門者媚骨終慚肉食人
散髮

何如從所好看山拄杖著吟身

感世

局內張皇局外危莫奇智慧要乘時
五洲興敗無常勢百歲光陰有盡期
人面不同心總異世情多幻理難知
但看闌冗先鞭著激濁揚清更望誰
造物團人結俗緣凝爲雨露散雲煙
心中過去疑前日眼底相逢悉少年
混宇別開新世界劫灰曾換幾桑田
如何不愛青天月照盡興衰終古圓

感舊

不堪往事淚滂沱目下淒涼見更多
境異情遷塵換劫心

非木石我如何
法曲伶倫宿草生漫言絲竹可陶情
山陽笛子雍門操何
調彈來淚不橫

感舊自慰

歲序如流近古稀莫追往事淚沾衣
任他世局無窮變其
奈人民逐漸非艱險已過歸浩劫精神自斂息
玄機出門
且向松邊立閒看浮雲遠際飛
前途難悔誤浮名備歷冰霜鬢雪成
漸老知難重返少忘
憂尙可證長生山林不許棲弘景兒女偏多累
向平修短
由天橫逆受古松歲月勵堅貞

過後思量事枉然破除煩惱覺宜先
披吟徒自嗟千古兀
坐虛消又一天對此難堪浮世界不知真箇有神仙
老懷
莫藉琴書慰面壁無言一味禪

茫茫天地本無情色相環生迹象呈
愛戀難拋神智損周
流莫滯化機萌梯航覺岸登宜早
沙數恆河紀不清佛性
但傳空苦說教人妙偈證無生

往還剝復迹浮沈事過情遷古迄今
錯亂難知新世界流
行總是去光陰愁深似海終無補事
大如山悔莫禁萬種
根因無可說各人祇識各人心

磨礮六十七年身要識清虛一味
真心裏迴追前歲月眼

中無有舊恩親功名已誤先程路兒穉偏多後起人我是
懸崖老梅樹劫餘還奮舊精神

但教穩度莫思量造物無心日月忙四大皆空天不老百
年易逝晝偏長十人供億應籌畫七字安排且婉商老境
不教貧短氣每嗔婦孺說家常

暗裏知誰作主張天涯奔走又還鄉關心祇可調飢渴隱
恨何須說短長身似蠹魚鑽故紙夢隨蝴蝶戀匡牀蒲團
枯坐吟禪定不管騷人兩鬢霜

白頭混入少年羣解道鬚眉識此君難覓鄰翁曾對酒但
聽兒輩好論文有書未註松偏老曲徑雖荒草自薰每愧

輸他方外者拋開塵事總浮雲

往無不復舊生新小草閒花自在春再鼓一彈消日永五
言七字寄天真何堪歷歷談前事祇可時時對古人哀樂
此心渾不入清虛明月證前身

娛老遣興有作

精神尙覺少年同興致雖闌耳目聰豈料陡然成白髮近
來不敢照青銅光陰流水無情去世事浮雲變態中仙佛
知非功行到琴心詩意蕩塵胸

老饗

齒疏食緩味纔諳珍物常留莫晒貪呂宋新煙汾水酒金

壇香米永嘉柑相皮不是通侯貴食肉終懷國士慚人說
朶頤關壽考何妨且聽老生談

老趣

蒼顏不料古稀期短鬢分明照鏡知眉黛壓峰披掩映鬚
光捲雪拂參差欲排老境朝昏事仍作兒曹節令詩白髮
童心原一樣世間後起利名思

老境有歎

老翁七十復何求利鎖名韁一筆鉤文庫頻頻輸出人春
臺歲歲總句留多兒各作身家計晚境難棲木石遊寂寞
故人黃土早監河分俸事悠悠

老境自喜

許多月缺與花殘底事眉頭未放寬無賴勳名輕白蠟較
量飲食鍊金丹禪真祇向閒僧話詩淺頻教老嫗看人不
堪憂還自樂達知何處欠心安

老境自述

百般因阨我夷然祇爲悲憂逼老年鬚髮漸蒼成變換齒
牙抱屈太剛堅飢腸減飲休逾量倦態因春易作眠五十
無聞遭冷眼古稀已近敢希賢

百歲

百歲三分過二期往來寒暑逝如斯驚憂恐怖殊難說閱

歷更遷祇自知弱草輕塵皆易委涼風皓月每相隨人間
不壞惟虛理一味清空萬慮遺

十二萬年之說天地大運會也以一日十二時驗之
其理無不備焉人之生死其間即可引小以喻大
循環不息之機亦可恍然悟焉因紀一律
命宮十二備週時冠帶臨官老病衰呼吸宛如潮汐候悲
歡無異雨晴期醒眠便是回生死水旱分明驗渴飢層累
積來成運會百年千載古今茲

蘇州鄭子蘭刻印

外舅心泉孟公壯歲卽噪詩名舊刻有雁蕩吟一卷清同
治辛未壬申間嘗與二三同志遊山遣興之作冠以胡桂
樵先生序親自刊行編次故仍照原本斷釵吟一卷原箸
積有百絕半多散佚並將補作及悼亡諸什彙成一集慨
念先岳母任太君棄養遺子女各一彼時外舅春秋
僅三十有六抱莊子鼓盆之戚以抒寫哀思殆古之潘岳
元稹其儔歟基之前室卽先岳母所出蚤年辭世基同
此逆境悲從中來然黔婁不才會不費一詞以遣懷讀斷
釵吟徒以黯然銷魂而已外舅好學能文等身著作史
學亦極湛深需次寧垣時每逢憲課一題到手下筆如飛

兼作數卷無不置列前茅嗣當哀集遺稿並有讀史論賸
天演淺釋等書稿別爲刊行茲檢得詠史詩歸錄一類
外舅才思敏雋出口成章集中有云吟詠之性自握髮來
其夙然也謹將雜詠諸作遞年編輯計分五卷第一卷乃
四十二以前所作趨對鯉庭則蘭亭觴詠之右軍也第二
卷乃五十八以前所作遊宦金陵則青衫淚溼之白傅也
第三卷乃六十二以前所作喪居梓里則蓼莪廢讀之王
裒也第四卷乃六十五以前所作就養板輿則黃樓題筆
之崔顥也第五卷乃六十八以前所作優游林下則東臯
舒嘯之陶令也凡零星篇什未審時間者統附於末卷後

全集共八卷都一千六百四十首又記憶 外舅題梁檀
圃方伯肇煌喬梓京兆圖詩作古風長慶體并序七百多
字承加賞識以爲有盛唐氣息如老樹著花古色古香照
人肝膽仿之有清其王漁洋查初白施愚山一派並與番
禹李君春浦投贈唱和大作文字因緣傳誦當時惜稿均
舊篋無存擬後徵求散亡刊爲補遺 外舅晚年詩興不
衰日惟以吟詠消遣每篇成隨手棄去不自珍惜幸二內
弟次石常侍在側謹爲收入奚囊然有時遭粗鹵之僕取
以煮茶代薪者亦復不訾爾庚申臘月子壻烏程秦福基
謹跋

右宜園古今體詩八卷

先朝議公心泉府君所著也

平

謹藏行篋幾二十年思欲梓行而逡巡不果曾經世變未
付劫灰俾子若孫得讀楹書於今日竊自欣幸惟懼日久
散佚屬姊倩秦第花茂才編次又乞退老樸叟樊山蓉村
諸先生爲文以冠簡端敬譖 府君一生行詣兒輩不才
未能表彰先德冀於斯集略資徵焉亟付手民閱一年而
歲事獨惜三弟幼泉五弟公亮早世未與讐校之役不無
餘恫耳時中華民國十二年歲次癸亥十二月初吉也男
平謹跋男 正慈宗孫男 中遠慶麒振第慶麟慶庶同校字

溫州府

